



08. marts 2012

FM 2012/61

Inatsisartut Suleriaasianni § 33 naapertorlugu matumuuna aalajangiiffigisassatut siunnersuimmik imaattumik saqqummiussaqarpunga:

**Aatsitassanut ikummatisanullu inatsisip allanngortilersaarneqarneranut atatil-lugu ullumikkut avatangiisit illersornissaannik Inatsisartut inatsisaanni kapitali 14-imiittumisut immikkut maalaarfiusinnaasumut malittarisassanik Naalakker-suisut siunnersuuteqaqqullugit Inatsisartut aalajangiiffigisassaattut siunnersuut.**

(Inatsisartunut ilaasortaq Naaja Nathanielsen, Inuit Ataqatigiit)

### Tunngavilersuut:

Isumaqpungu kukkunerusoq aallaqqaataaniilli aatsitassanut ikummatisanullu inatsimmut maalaarfiusinnaasumik erseqqissaasoqarsimanginnera. Taassumannga erseqqissaanerup inatsisitigut innarlitsaalisaaneq annerulersissavaa.

Aalajangiiffigisassatut siunnersuutip uuma piviusungortikkiartornerani Naalakkersuisunut aalajangigassanngortissavara nalileqquillugu maalaarfiusinnaasoq nutaaq manna pilersineqassanersoq periarfissaatitaareersorluunniit atorlugu maalaarfiusinnaasoq katiterneqas-sandersoq, atorfeqartitsinikkut isumalluutit piginnaatitaanerillu atorlugit naammassineqarluni. Pingaarteqaporli erseqqissassallugu maalaarfiusinnaatitaasup arlaannaannulluunniit atta-vilsortuunnginnissaa.

### Aningaasatigut allaffissornikkullu pisortanut kingunissaat

Siunnersuutip allaffissornerup maannakkut atuuttup iluani naleqquttumik naamas-sineqarnissaa ilimagineqarpoq. Aalajangertoqassagaluarpat maalaartarfissamik nutaamik pilersitisoqassasoq tamatuma Nunap karsianut immikkut aningaasartuuteqarnissaq kingunerissavaa. Maannakkut "Avatangiisit illersorlugit Maalaartarfik"-mmut, avatangiisink inatsit naapertorlugu pilersitaasumut ukiumut 100.000 kr. miss. aningaasartuutaassasut missingersersuutaapput. Aatsitassanut ikummatisanullu taamaaqataanik maalaartarfik taamatuttaaq Nunap karsianut minnerpaamik aningaasanik taamaaqataanittaaq naleqas-saaq. Tassunga atatillugu eqqarsaatigineqarsinnaavoq aatsitassanik piaalluni suliffissua-qarnerup taamaattunut aningaasartuteqaqataatittarnissaa.

### Aningaasatigut allaffissornikkullu namminersorluni inuussutissarsiornermut kingunissaat

Siunnersuut ingerlatseqatigiiffinnut misissueqqissaarnissamik atuinissamilluunniit akuersis-sutaateqartunut aningaasartutissiissutigineqassaaq tamakkiisumik ilaannaasumilluunniit, apeqquaalluni maalaartarfip allaffissornertaata ilaanna tamakkerluguluunniit akilersortin-

neqassanersoq. Aatsitassanilli misissueqqissaarnermut piaanermullu aningaasartuutinut allanut naleqqiullugu aningaasartuutit sualussanngitsut ilimasisariaqarpoq.

**Aningaasatigut allaffissornikkullu innutaasunut kingunissaat**

Siunnersuutip piviusunngortinnerani aningaasatigut allaffissornikkulluunniit innuttaasunut pitsaanngitsunik kinguneqarnissaa ilimagineqanngilaq.